

# Hasi da sagardotegi garaia

## USURBILEKIN ELKARLANA SUSTATU NAHI DU ASTIGARRAGAK



Astigarragan eman zitzaion hasiera "ofiziala" sagardotegi garaia. "Loreak" filmeko aktoreena izan zen ohorea.

**T**xoootx!, datozen hila-beteotan sarritan entzungo dugun hitza. Abian da ofizialki, 2015eko sagardo denboraldia, urtarrilaren 14an Astigarragan ospaturiko irekiera ekitaldiarekin. Hitzor-duan aditzera eman zutenenez, 2014ko uztak 10 milioi litro sagardoko ekoizpena utzi digu.

Iazkoaren antzeko kopurua. Baina sagar barietateen araberako uzta irregularra. "Eskualdeen artean ekoizpena oso desberdina izan da eta baita sagastian bertan ere, askotan frutarik gabeko barietateak ikusi baitira, eta ondoan, adar asko haustea ondorioztatu duten sagar ugariko barietateak. Egoera hau Gipuzkoa osoan eman da antzeko moduan", Astigarragatik berri eman dutenez.

Sagardo usaingarria, hori-berdexka kolorekoa, txinparta bikainekoa, sagardo orekatua, oso edan erraza eta arina dastatuko omen dugu denboraldi berri honetan. "Uda fresko eta hezeak sagarraren azukreen kontzentrazio egokia ahalbidetu du, zuku arinak eta freska-

### Astigarragako alkatea

**"Aurten, Hernani eta Usurbilekin nahi dugu elkarlan bat egin. Dugun aberastasuna partekatu, produktu turistiko erakargarriago bat eta hobeago bat eskaintzeko"**

garriak lortuz", txotx irekiera ekitaldian berri eman zuten.

### Elkarlana, "produktu turistiko erakargarriagoa eskaintzeko"

Sagardo denboraldi berriko nondik norakoak aurkeztu zituzten, Astigarragako kultur etxean. Besteak beste, Usurbile loturiko aipamenik ere egin zen. Andoni Gartzia udalerriko alkatea, Astigarragan sagardoaren inguruan bultzatzen duten elkarlana, herritik kanpo zabaltzeko nahia adierazi zuen. Hernani eta Usurbilgo herriekin elkarlana sustatzearen aldeko apustua egin nahi du. "Uste dugu garaia dela inguruko herrietan elkarlanean hasteko. Aurten, bai Hernani eta Usurbilekin nahi dugu harreman

bat, elkarlan bat egin. Herriok dugun aberastasuna partekatu, produktu turistiko erakargarriago bat eta hobeago bat eskaintzeko, etorriko diren bisitari guztiei", Gartziaeren esanetan.

### "Loreak", txotx irekieran

Baserri eta sagardotegietan emakumeek burutzen duten lana goraiatu nahi izan zuten, aurreko asteko txotx irekiera ekitaldian. Eta zer hobeto, hiru emakume ezagun, sagardo denboraldi berriari ekiteko. Aurtengoan, "Loreak" filmeko lan taldeak izan du 2015eko txotx garaia abiatzeko ohorea. Jon Garaño eta Jose Mari Goenaga pelikulako zuzendariak Astigarragan ziren, baina kamera eta argazkilarien fokuetatik aparte. Protagonistak filmeko hiru emakumeak izan ziren; Itziar Aizpuru, Itziar Ituño eta Nagore Aranburu. Pozik eta oso hunkituta. Nola ez, lore sorta bana jaso zuten hirurek eta sagarrondo berria landatu, Astigarragako Sagardoetxe ondoko zelaian. Bereziartua sagardotegian ere lehen tragoa dastatzeko ohorea izan zuten.

### Egin txotx!

#### herritik atera gabe

##### Aginaga sagardotegia

■ Aginaga auzoa.

Telefono zenbakia: 943 36 67 10 // 943 37 06 68.

Emaila: [info@aginagasagardotegia.com](mailto:info@aginagasagardotegia.com)

Web orria: [aginagasagardotegia.com](http://aginagasagardotegia.com)

Lotarako lekua; Hotela\*\*

##### Aialde-Berri sagardotegia

■ Aialde Berri 37, Santuena.

Telefono zenbakia: 943 365 031.

##### Araeta sagardotegia

■ Berridi bidea 22, Zubieta.

Telefono zenbakia: 943 362 049.

Web orria: [araeta.com](http://araeta.com)

##### Arratzain sagardotegia

■ Arratzain baserria, 22.

Telefono zenbakia: 943 366 663.

E-posta: [info@agroturismoarratzain.com](mailto:info@agroturismoarratzain.com)

Web orria: [agroturismoarratzain.com](http://agroturismoarratzain.com)

##### Iruin sagardotegia

■ Petritza bidea 12, Zubieta.

Telefono zenbakia: 943 361 229.

E-posta: [ion@iruinsagardotegia.com](mailto:ion@iruinsagardotegia.com)

Web orria: [iruinsagardotegia.com](http://iruinsagardotegia.com)

##### Saizar sagardotegia

■ Kalezar, 39.

Telefono zenbakia: 943 37 39 95.

Web orria: [www.sidrassai-zar.com](http://www.sidrassai-zar.com)

E-posta: [sidreria@sidrassai-zar.com](mailto:sidreria@sidrassai-zar.com)

##### Urdaira sagardotegia

■ Urdaira baserria, Aginaga.

Telefono zenbakia: 943 372 691.